

合州志卷十五

藝文志

詩

王三澤



五言古詩

唐

獻從叔當塗宰陽冰詩

李白太白

金鏡霾六國。亡新亂天經。焉知高光起。自有羽翼生。
蕭曹安峴岬。耿賈摧欃槍。吾家有季父。傑出聖代英。
雖無三台位。不惜四豪名。激昂風雲氣。終協龍虎精。
弱冠燕趙來。賢彥多逢迎。魯連善談笑。季布折公卿。

合州志

卷之十五

藝文

遙知禮數絕。常恐不合弁。惕想結宵夢。素心久已冥。
顧慙青雲器。謬奉玉樽傾。山陽五百年。綠水忽再榮。
高歌振林木。大笑喧雷霆。落筆灑篆文。崩雲使人驚。
吐辭又炳煥。五色羅華星。秀句滿江國。高才掞天庭。
宰邑艱難時。浮雲空古城。居人若薙草。掃地無纖莖。
惠澤及飛走。農夫盡歸耕。廣漢水萬里。長留玉琴聲。
雅頌播吳越。還如泰階平。小子別金陵。來時白下亭。
羣鳳憐客鳥。羞池相哀鳴。各拔五色毛。意重泰山輕。
贈微所費廣。斗水澆長鯨。彈劍歌苦寒。嚴風起前楹。
月啣天門曉。霜落牛渚清。長嘆即歸路。臨川空屏營。

贈蜀僧閻丘師兄

閻丘銅梁山僧

杜甫

子美

大師銅梁秀藉藉各家孫嗚呼先博士炳靈精氣奔
惟昔武皇后臨軒御乾坤多士我儒冠墨客靄雲屯
當時上紫殿不獨卿相尊世傳閻丘筆峻極踰崑崙
鳳藏丹霄暮龍去白水渾青熒雪嶺東碑碣舊制存
斯文散都邑高價越璵璠晚看作者意妙絕與誰論
吾祖詩冠古同年蒙主恩豫章杳日月歲久空深根小子
思踈濶豈能達詞門窮愁一揮淚相過卽詩昆我往
錦官城兄居祇樹園地近慰旅愁往來當丘樊天涯
歛滯雨粳稻卧不翻漂然薄遊倦始與道侶敦景晏步
界黑驅驅爭奪繁惟有牟尼珠可照濁水源

宋

嘉定丙午秋偕弟師誠師聖來遊賦詩

文師敬

青石

我家龍多西出門山在目杖屨三十里兄弟穿雲宿
山上有頃田巖洞多重複石圍如內空可容萬億斛
竒古一仙臺清絕三梵屋千歲大夫松萬竿君子竹
四時風颼颼多寒而少燠天低星日近舉首心自肅
不敢高聲呼恐帝謂予黷轉盼四方寬萬山皆俯伏

合州志

卷之十五

藝文

二

幽人來避世松栢可克腹何勞苦煎炮自有雲蒸熟
朝易暮楞嚴隨意伴幽獨天下眞樂在安用名利逐
我亦知此樂倚門望良速入山未要深且歸問寢饋
男兒天下志未忍同草木他年素志遂人進我則縮
來此寄餘生分此山林福吾心與道俱出處應可卜

明

出嘉陵江

楊慎升庵

嘉陵駛且長千里如投梭洋洋者綠水觸石揚白波
透迤似有情相送出褒斜雲氣接江腦日色破浪花
冥冥下無極疑是神龍家垂藤飲猿狖瀟淪棲陽阿

合州志

卷之十五

藝文

三

中有南行舟遙遙通三巴惜哉不可往巨石劇狼牙
我欲鑿安流手中無莫邪長歌行路難日莫猶天涯

馮公語

州牧劉士達

飛翰飛翰自有大藥不在人間子年吾友仍此還

田公語

時出山今度關白日別君去卧我白雲間

國朝

定林院卽事呈吳舍人倣亭楊合州謙六五言

二首

欽差

馬維翰

雲構踞層嶺緬然足流顧豈及念登臨聊復此

縈互杳冥挂古藤
茵蠢蟠老樹依依雞犬遊
了金碧露浩浩漢江水東南日奔驚高檣掠岸
迴矮屋傍城在池城亦繁衍烟火不知數披榛
戒呵殿勿驚中田鷺

腰鎌見捺作頗識田園趣刈獲行就畢颯沓聽
秋雨王事有程期實恐滋謬誤一再爲躊躇明
當復遠去珍重勗同心勉應將伯助耳提諸父
老有懷但卽吐疾苦倘未陳後會諒難遇使者
不憚煩遲爾西日暮

合州懷古二首

渝州太守 林興泗 容齋

合州志

卷之十五

藝文

四

鬱鬱原上松鴉鳴踏其枝既老不得食鴉兒反
哺之往復復往復勞瘁寧忍辭我行巴川道見
之血淚垂有養親不逮愀然風木悲此邦殊淳
厚古人良可師或能識至性承歡念在茲公車
屢不上富貴究何爲或能勤力役傭錢仰母慈
汲水而負擔頗深源本思人子昧所出亦作父
母時愛日好沉酣勿令事後慙立齋不可學尙
得學袁三

緬彼學士山讀書人最樂養心名其亭濂溪筆
磅礴步武薛老融東臺甘寂寞元朗築西臺遺

編志邱壑更有伯業君悠然松風閣紛紛隱逸
流後先如一格吁嗟此邦人不宜躬菲薄能爲
霖雨才乘時布德澤不然守一經昂藏雞羣鶴
大雅望吾徒功名等糟粕

乾隆庚寅夏日渡方溪尋天寧宿雲歸寺次晨
整轡將行上人通唱索詩書此

陳大文

林壑散宿煙溪水漲新綠一棹從空明金碧耀
雲麓昔聞天寧山奇絕冠東蜀佳尋悵未遂此
意徒有屬捨舟理遊屐步勝訪遺躅突兀高萬

合州志

卷之十五

藝文

五

似盤紆轉百折一徑入翠微蕭蕭盡修竹小憩
佛閣前頓令屏塵俗遠公見我來斫松煮溪菽
謂言且少留欸客休急趣溪泉遠難汲山蔬瘦
毋勵好待木魚聲禪堂共齋粥盡日恣幽探所
喜無拘束白雲山外歸片片落茆屋明月林梢
生纖纖照出谷月來伴我唵雲來伴我宿空山
枕單涼睡味頗清淑曉起理征鞍逡巡苦煩燠
旁有長髯僧食飽手摩腹亦有赤脚僧緘口翹
一足自笑風塵人胡爲日奔逐

遊濮巖寺

洪成鼎 應山

合陽羣山環濮岩最幽絕城郭遙在望屏障開
西崩霜輕草猶綠冬盡春氣發駕言可出遊日
晚風不烈僕從互行歌僧衲亦隨列曠觀雲物
佳崎嶇轉林樾古寺踞山阿塵外構奧宅策杖
沿危崑捫蘿窮曲折老樹根輪囷鬱屈抱岩骨
石佛備諸相巧匠競刻劖汲井漱寒泉梯堪認
篆碣遐哉開元年題名半蘚齧天聖及淳熙一
一尚可別因思磨岩人詎料石剝缺人生駒隙
間過眼卽陳迹涪江宛轉來煙岑倏明滅金光
果有無相期待明月日脯憇僧房園蔬嫩堪摘
脫粟快一飽何用珍饌設歸途引長嘯遠響振
岩穴江山如逆旅我卽逆旅客悠悠日月除休
休何所迫

銅梁山

王元兆

魚山

銅梁燦碧空橫亘如列案隔江纔五里未上茲
峯玩聞昔閩邱人曾栖煉元真玉蕊開似雪桃
竹翠拂塵又聞趙伯業築宅擁書篋博古堆白
雲松風聚落葉我來訪遺蹤徑迷青靄重春深
烟蘿暗巖花連霧封披嵐入鳥道幽禽何處噪
不有鍾磬聲危磴誰能造到來此山巔此中別

有天餐霞子焉往丹井尚依然仰觀天宇空趁
步朱明洞讀書人不歸空餘春風送還憩宿雨
崖遙情寄茅柴酣歌明月去斯遊在無懷

贈張孝廉西村

周桐琴川
金陵

捉襟原思貧在陋顏子樂順境何足云處困覘
所學合陽固多才張子寔磊落弱冠掇巍科光
芒射日角自云昔見賞風氣吾鄉若此語太攜
謙淵源或非錯每因瓊瑤投得以觀其撮文辭
清且腴詩思雋而琢誰云風日靡無復大雅作
持此博金紫男兒終不弱奈何家屢空菽水供

合州志

卷之十五

藝文

七

無着用是滯公車豈遂功名薄乃知貧累人斯
言非竟鑿吾聞困極亨天道還如昨延賞終鎮
蜀韋郎相繼擢有志事竟成人巧天工奪要當
奮雲梯胡爲徒冥冥交淺愧言深聊訂他年約

秋日送洪梅翁先生歸湖北

張乃學古士

風雨逗半空葉飛江上楓驪歌一杯酒前途窮
不窮昔出圖吾君爲政迥不羣襟期付慷慨脫
劍請從軍叱馭人羊腸談笑披雪霜蠻關舊風
景一一歸詩囊忽然決去就僑居濂溪右門墻

莼李新絳帳春風透

濂溪周子舊爲合州判官
後人立祠是爲濂溪書院

先生居合掌
教凡五年
興假琴書傳奇文手自鐫官貧不

為累一斗復陶然家居近相傍時得親面丈講

易且吟詩雄懷老益壯先生常自言才拙愧諸

昆今日賦歸去無錢却有孫歷歷漢陽路快快

怕言去怪石米家船先生有石癖迢遙宿何處衡山

起翠微徜徉樂無違科頭閒嘯傲今是而昨非

我學猶遲遲聞歸無限思回想春風座愁聽秋

風吹秋風吹行客秋柳不忍折那堪師弟情千

里惜離別別離情何限臨岐不忍放巴山楚水

閒鎮日遙相望

合州志 卷之十五

藝文

八

釣魚城弔二冉生

四川學使吳省欽

涪王及信王惠蜀八十稔破家由逆曦蜀遂無

安枕此人責敗盟洊奪錦江錦但苦兵役疲孰

取形勢論安撫招二生入幕計勤恁築城二水

交滿挹天池飲珎也來繼之神勇過狼躡直使

飛礮風大敵殞寒噤乞降自王立萬命拯釜飪

叢殘祠壁間相向錯趾衽申韓廟老莊同傳不

同品田橫島莫論張巡廟難審我懷籌障功鬚

眉動森凜何當酌一尊垂竿見魚滄

遊甘泉洞

洞頂一小穴乳泉滴瀝晝夜不息而冷然可聽奇景也坐對久之得二十

造物妙難思融結特奇縱山阿藏窟龕嵒呀豁
雲峒危丁乳竇潛細脈注皴縫高原來何方一
點透窾空尋丈滴石池丁東餘瑤甕歷落連漏
沈清冷泛音美匪疾亦匪徐刻刻調自送金爍
旱豈枯雪凝寒莫凍渟沍不盈坎澗酌堪飲衆
掬手滑若鉛沁齒甘若渾碧香瀹茗新漫浣詎
足重倘逢菜苧翁品第當誰共我來坐移晷髣
髴遊仙洞希聲時一聞小墮滌幽衷歎彼靈液
鍾肯爲凡褻用爭如社鼓競况復壺觴哄緬懷
如照僧片機坦禪誦前哲就厓屣戒喧有深諷
前哲胡公俯仰成古今泉石自天供何當結靜
鐫岩有記綠枕漱息塵夢

七言古詩

唐

短歌行送祁錄事歸合州因寄蘇使君

杜甫

前者途中一相見人事經年記君面後生相勸何寂
寥君有長才不貧賤君今起柁春江流余亦沙邊具
小舟幸爲達書賢府主江花未盡會江樓

明

魚山曲

李作舟

山月高江水深落月照江流孤臣天地心潼漿來倂

合州志

卷之十五

藝文

九

盞舞宋爲魚金爲餌天下事可知矣北風怒南風道
余家冉家好男子釣起山河二百秋我非捕魚者長
歌當釣史丈夫出奇報天子應與此山爭魄壘悠悠
萬古長江水

遊濮巖寺

李實

魚軒驄馬遊西郭天時人事如相約金烏飛上九天
來散影分光照林壑翠微深處隱毘盧白石青松設
圓覺景物山川指顧間襟懷且傲乾坤濶幸際文明
全盛時携妻挈子同其樂行厨美饌具羔豚瓜果瓊
漿相對酌山僧白粲作午炊飲食誰雲滋味薄爲愛

叢林幽且清紛紛塵慮俱忘却磨岩鉄筆勒長歌願
言悠从母凋落老來喜得退休閑不慕元功圖像麒
麟閣

國朝

合州懷古

林興泗

君不見有唐永昌張相國反周爲唐功竒特天
子復辟則天亡定謀排難凝神色可憐蓮花似
六郎血染金刀留不得回憶此公刺此州愛民
如子樹恩德當時姚州荒服蠻我兵五百戍絕
域地險瘴癘歷艱辛十死一生真痛惻惟公慷

合州志

卷之十五

藝文

十

慨奏明廷瀘南諸鎮咸損革由小由大此經綸
在內在外同整飭至今史冊話津津千古照耀
爲矜式朱幡皂蓋眼底繁屈指誰不食君食張
公相業迥絕羣梁公薦賢誠卓識

下山吟

林興泗

上山人上天下山人下淵上天不上尙得還下
淵一下難保全下山比較上山苦手足支撐身
偃僕輿夫戰慄十退五雙繩倒纜齊曳弩磴路
直立如堵墻萬木糾紛絕日光敗葉委墮漬露
霜石色冷綠苔蘚蒼已嗟危篤幾欲撲驀地蠻

烟與瘴霧長蛇猛獸出攫人咫尺相隨那相顧
勞頓迂迴勢不休涼風忽動聲颼颼掃樹烟雲
淨不留青天一見魍魎愁劃然長嘯出垣途草
軟坡平得自由正須料理老詩喉千奇萬狀任
冥搜去矣去矣漫回頭履險如夷二十秋

遊龍游寺

巴縣王爾鑑熊耳

龍游之山盤晴空江環山轉入游龍挽葛牽藤
上梯石泠泠兩腋攜天風天風吹我入雲裏天
矯雲龍騰空起天然石壁生層雲雲氣蔚蒸映
池水空明池水拖雲流山光雲影交相浮奔山

合州志

卷之十五

藝文

十一

走石互乾坤乾坤宕漾如蟬蛸宛似天漿自天
注緇林光耀三珠樹喬松翠柏嗟天香香風風
逸落花雨花香花雨鳥雲間天開三界歸八關
八關淨域龍游處披雲四頤開心顏心顏開處
復縱目三界八關都納腹石岿頻登花雨臺忘經
獨嵌江波綠登臺遙望釣魚城魚山雲吐雲門
青更與縉雲遠輝映還拱巴嶽連滄溟翹首望
雲雲氣幻颯颯天風關吹萬萬籟鳴戛鐘磬音
嗒然喪我神遊倦倦倚繩床蝶夢飛蘧蘧栩栩
何所依夢遊六合與八埏不覺塵踪眠翠微翠

微雲向胸前度雲際龍游影雲路夕陽雲路下
山來袖中袖得白雲去

光霽堂

許日藻 丹霞

涪陵郡介川之北。巴夔東聯西戎。聲教流洽
天地昌。大道堂堂無矯忒。運會迭邁。秦焰光群
小附會肆荒唐。小儒信耳安於習。大儒穿鑿擅
文章。天人之際邈難索。孰是探幽繼絕脉。宵冥
一夢二千年。甕裏醞雞井。蠅蝨嗟哉天未喪斯
文。精英獨萃濂溪瀆。窮流溯源測元妙。太極圖
成救紛紜。一官何嘗與世迁。主簿分符判合土

合州志

卷之十五

藝文

十一

昭揭日月示來茲。畏壘建宇江之澣。俎豆元明
接宋年。猗子縱橫起四邊。封豕長蛇時出沒。劫
燼灰飛無全椽。豐艸雲封連白塔。池亭紅樹咽
秋蟬。多才錄事仰夫子。覩此荒堂池上址。剪茹
誅棘一朝新。畫棟飛雲最深矣。蔡君之志何其
堅。不募鉤金出俸錢。思齊百世匪干譽。扶持斯
道防危顛。崔嵬銅梁南面峙。蓮沼泱泱清且泚。
千年私淑拜下風。精皎皎兮薦芳芷。

登釣魚山

王元兆 魚山

三江洶洶奔如驄。山勢盡與江流東。魚山鯨吞

獨西向欲破巨浪乘長風鴟蹲虎踞不相讓形
勝爭誇東川壯憲宗空此隕帝星慘慘陰雲至
今上我懷鬱塞何由開攜樽來登釣魚臺不勝
感慨中原意遠自荒烟野蔓之中來釣魚城下
濤聲怒雄師百萬誰敢渡元圍十年竟無功始
信茲山金湯固戰籌余冉守張王參天雉堞何
蒼蒼忠貞當年死據險幾度戰血流大荒我今
幸逢

聖人大一統垂裳而理皆北拱四海一家百餘年德
厚不用雄山聳

合州志

卷之十五

藝文

十二

姚節婦詩

楊士鏞
綠村

節婦劉氏姚安義妻安義青燈篤勵成痺而
亡氏痛不欲生翁姑密衛之勉強起泣曰三
世一身恐難代夫力全耳因紡績孝養撫姪
成桃乾隆丁未氏年七十里中題請旌表余
爲長句以紀其實

鍊石爲心雪作肝死者復生剖與看孝能代夫
節能苦力全三世古所難有翁門俯嘉陵水育
得巾幗勝男子及笄之年賦桃夭施衿結褵歸
姚氏姚氏有姑兼有舅舅姑更有大父母雞鳴

鹽漱問安重。溱澣旨甘仰。新婦良人奮志綠芸。
窻要騰國士。誇無雙程門。立深三尺雪。董帷剔。
徹五更釘。肯安轅下駒。局促思騁驊。驅千里足。
名心契甚血成枯。鴛鴦折翼悲黃鵠。傷哉白髮。
泣高堂。盧醫莫投返。竟香釵鳳分飛。鸞鏡掩。笑。
笑孀闈欲斷腸。拚拋瓊玉從泉路。幾番投繯絕。
復寤瞢瞢病姑泣。且哀競勸新婦休。迷誤婦若存。老有。
依婦如輕生。家誰顧。可憐伯道雖無兒。猶子呱。
呱亦可哺。舍酸強起垂涕洟。捐軀守義兩尋思。
慷慨養生兼送死。都付弱媳一身持。蕭疎夜雨。

合州志

卷之十五

藝文

十四

鳴杼織凜冽。晨霜畫菰字。但願孤弟振家聲。
氏父早逝。孤弟無依。氏撫之成立。茹藥飲冰。渾閒事。吁嗟乎青春。
矢志白首全。秋月篝燈七十年。瑞應風清涪水。
碧節重循陔。千載傳。
坊鐫節重循陔四字

南峯行

彭世儀

約齋

巴山高者。摩青霄。塗山華銀各岩巖。復有一。
山縉雲西。小三峽內。守寂寥。形勝雖多人迹少。
据合之南地深窈。土人向余稱南峯絕頂一覽。
衆山小。下有龍洞若神劊。上頭雄峙獅子巖。天。
生玉屏開。方面秀峯中。峯森松杉窮壑竹柏蔭。

叢翠石饒流泉皆清泌春秋嵐影朝夕屯彷彿
身在白雲裏白雲還看洞口多幽崖重重生薜
蘿中間石炭鑿幽谷都非外人常經過烟村歷
落別有趣民氣可嘉守貧素試問賞心將何如
欲擬武陵桃源路

獅子巖

獅子巖巔白雲多獅子巖間長薜蘿清淨法相
偶然存石頭幾經風雨磨竒峯萬古撐荒野欲
問當年渾未也放眼一空巴渝山笑語前林樵
採者

合州志

卷之十五

藝文

十五

戊申大水歌

楊士鏞 振齋

壬寅六月江水漲會江樓頭生雪浪今年六月
不愆期沿街螭吻繫畫舫昔聳合是飛鳧形飛
鳧愛戲水中萍金沙洲上浴鳧日甲第聯翩地
亦霽我思此理不可曉一日科名萬家擾可憐
男婦哭哀哀扶老攜兒坐屋杪君不見嘉陵江
上堤新堤雖築舊堤低蕭公堤人泪沒宋蕭刺
史墳築
堤浩明侍郎胡世賞新築江堤州人名曰司空堤司空堤委塗泥人事
從來有消長何怪江水高百丈安得虬龍剗削
三峽山永奠波濤平如掌

白鹿山看紫牡丹得長句

白鹿山頭白鹿觀。巴嶽來擁合陽岸。背携臨渡
面涪江。飛霞洞前紫雲亂。山僧愛客好種花。牡
丹開時煮新茶。光霽堂中邀我去。冒雨看花路
不賒。恰逢花朝花信早。到處兒童誇鬪艸。鞞紅
甌碧開禪房。中有紫英色逾好。檀心巧暈紫羅
裳。紫荊紫薇走且僵。西子捧心着舊襦。太真臨
鏡換新妝。我聞此品數魏相。姚王魏后休謔浪。
若教紫玉奏筮篋。夢中彩筆寫難狀。昔傳千葉
袁家姿。宦者軍容觀者奇。唐宦者觀軍容借問
有軍容紫牡丹

合州志

卷之十五

藝文

又十五

袈裟譯經日

僧法朗譯經
賜紫袈裟

可憶煙凝暮山時。君

不見慈恩寺裡千朶紅。櫻桃宴罷笑春風。又不
見臨芳殿前千團雪。醺醪斟殘醉夜月。人生上
苑探花是。雄圖株守兔園胡。爲乎紫綬金帶不
得遂。祇恐富貴花嗤不丈夫。

光霽堂喜雨

楊士鏞

振齋

昨夜三更風雨吼。半天鞭起蛟龍走。水勢爭駛
湧江濤。江城如一秋葉柳。朝望南山霧不開。上
有密雲封洞口。直下澗溪流潺潺。萬頃黃金鋪
南畝。我本無家借境居。硯田何如良田有。薰風

吹散桐陰涼。尋樂亭中書侑酒。

遊龍游山

韓耀南 共六圖

青山重重鎖深谷。陡起一峯最幽曲。遙從河干
望翠微。參差殿宇藏山腹。躡展捫蘿上層巒。峩
徑縈紆步彳亍。怪石當頭勢欲崩。野樹高低斜
刺目。凭危四顧列錦屏。前山逶迤後山伏。聳如
攢劍插雲霄。怒如蚪龍相觝觸。懸崖千仞不可
攀。半嶺輕烟籠古木。誰人鑿壁誰開山。殘碣剝
蝕那堪讀。天然石屏幻魚龍。驪經亭子當雲矗。
此日說法人已遙。頑石點頭躬尚鞠。勝絕猶誇

合州志

卷之十五

藝文

後十五

望月臺。臺高直凌斗牛屋。長江一帶環峯清。羅
列妙境看不足。沿池曲上藏經樓。經卷幾處堆
滿軸。我性從來好探竒。逢山便欲留信宿。靈岩
名勝甲蜀東。陟歷未遍歸忍速。苦遭俗紛肯相
饒。山靈應笑徒碌碌。石磴幾株化龍松。枝枝有
意向人綠。舉頭城郭隱約間。好將勝事他日說。

五言律詩

朱

合州道中

王三澤

喻汝礪

雲氣昏江樹。春流沒釣磯。如何連夜漲。似欲送人歸。
亂石水聲急。片帆風力微。舟師且停櫓。白鷺畏人飛。

望合州

范成大

井陘東山縣。山河古合州。木根拏斷岸。急雨洗江流。
關下嘉陵水。沙頭杜老舟。江花應有在。無計會江樓。

龍多山

赤水令 何師亮

駕鶴今千載。棲禪定幾年。煙雲流洞口。樓閣倚山巔。

合州志

卷之十五

藝文

十六

松下嬰兒長。巖前石乳圓。相逢尋二老。明月弄寒泉。

明

銅梁山

譚昇

攜酒遊仙境。日高天正清。洞中飛野鳥。竹木透春晴。
松暖棋聲靜。爐寒夜氣生。醉忘歸騎晚。猶踏白雲行。

前題

泗濱淳沐

信宿留東閣。悠然俗慮蠲。同僧聽夜雨。對客借雲眠。
機息風帆靜。禪安水月圓。塵緣慚未了。一笑下江天。

遊龍遊山

州牧 徐 澗 吾齋

蘿幌開丹碧。天涯此勝遊。樹深飛鶴下。崖迥過雲留。

烟曉填虛壑。調吟靜古邱。不爲庾信賦。生怡鳥魚愁。
遠眺

劉士達

鳧舄三年降。龍多百里程。人懷靈鷲勝。頻上釣魚城。
霜堆楓葉下。秋色晚山橫。北望凝眸處。浮雲障帝京。

登龍遊寺題壁

王嘉賓

寺立層巒迥。蘿懸曲徑深。詩成山鬼泣。歌罷水龍吟。
自覺塵中累。誰知物外心。留連歸路晚。月影下江濤。

國朝

辛亥春遊濮巖寺次韻

楊清

雲隱濮巖寺。風和載酒過。荒苔眠石榻。曲徑護

合州志

卷之十五

藝文

十七

春蘿俯仰天機發。蒼茫韻事多。振衣窮絕巘。不

禁起長歌。

遊龍遊山

方世仲

碧雲間一片。出郭喜晴明。幾日會山寺。惟愁風
雨聲。泉流巖谷靜。花影石橋清。向晚各隨散。悠
悠鐘磬鳴。

前題

龍泉

不到華嚴寺。焉知此地幽。遠山低夕照。空谷響
清流。坐看雲舒卷。行吟鳥唱酬。重來還有約。黃
葉一林秋。

前題

姚興淮

四顧疑無路。層層夏木陰。經年行客少。一徑入
雲深。山半鳥聲聚。池間花影沈。禪林清若此。那
復有塵心。

深山深處行口號

林興泗

不復辨山樹。蒼茫綠四圍。時時水瀉瀉。歷歷煙
霏霏。人苦無天去。鳥從何處歸。奇雲勞接引。前
路正相依。

雨後宿雷興寺

林興泗

萬山不復雨。客路正迢迢。日落翻深樹。雲歸渡

合州志

卷之十五

藝文

十八

野橋清溪一曲寺。明月可憐宵。何以慰岑寂。知
心是酒瓢。

贈合州宋在中刺史

林興泗

名士魁河北。清官領蜀西。巴渝通咫尺。政教識
端倪。退食人如玉。公堂事若犀。于今充牣地。一
德遍羣黎。

邀友人後苑仙巖賞桂

宋錦

山林官署裡。雙桂鬪秋香。月殿廳金粟。嫦娥現
玉妝。係黃白二種偷閒尋我樂。課蜜任蜂忙。日夕留
餘興。重來趁日光。

登純陽山

宋錦

孤高雉北郭。俯首矚川原。三水舟楫轉。萬家烟
火繁。撫綏思德惠。保障賴屏藩。土主孟牛氏。名
裡永不諼。上有土主廟。祀唐合州刺
史趙延之。孟牛。其字也。

公餘偶作

州牧 劉 桐

退食思前事。遺民自不忘。招來安社稷。撫緝訟

龔黃。祖德塗山峻。

先祖太常公順治
中任重慶太守。

君恩涪水長。無才兩攝宰。

余先攝
巴篆。

紹業實徬徨。

送州牧宋公歸廬三首

沈 經

十載情無間。論交有夙因。琴堂籌雅化。冰館較

合州志

卷之十五

藝文

十九

清寅傾論忘存跡。披誠若飲醲。一朝廬墓去。離

思自今新。

分袂涪江上。依依豈一人。神君呼夾岸。慈父勒

貞珉。留官聲好。何妨宦橐貧。清風攜兩袖。只

此慰萱親。

嫋嫋江邊柳。青青不染塵。繫牽遊客思。折贈大

夫貧。舟泛澄江穩。猿聽峽岸頻。欲圖良會日。屈

指下 音綸

春遊方溪寺

州牧 張兌和

方溪無十里。一路入烟霞。樹老依禪窟。花香近

酒家古原燒。後草春雨社。前茶薄暮鐘。聲起回頭山月斜。

贈應霖上人

姚孔鑛

破袖家風古。悠然挂錫初。白雲閒有主。道者意何如。竹徑秦碑在。花宮晉殿餘。名山千百載。惟許誌公居。

濮子墓

陳大文

寂寞一杯土。烟迷草色昏。有人來弔古。無賦可招魂。月影上詩碣。泉聲冷墓門。千年餘故址。濮子舊名存。

合州志

卷之十五

藝文

二十

白塔坪晚憩

陳大文

拄杖攀蘿徑。人行縹緲間。綠烟迷白塔。黃葉滿青山。字剥痕猶在。亭空水自閒。目窮無限景。日落不知還。

次韻和張使君春遊方溪寺

王元兆

方溪洄淨域。曲徑帶烟霞。竹鎖安禪地。橋通賣酒家。農迎清獻鶴。僧話趙州茶。坐久條風起。花飛燕子斜。

遊下雲峯寺

王元兆

爲愛林泉勝。披雲到竹房。翠迷松夾路。烟拂柳

橫塘曲水流紆帶幽花度暗香收來方外趣吟
思滿蒼茫

渝州送張方崖全年先歸合州 王元兆

我來君未至君去我還留祇此歸來賦竟成去
住愁袂分巴子國心到會江樓一切休相囑先
寬老母憂

登凌霄閣二首

沈懷瑗

爽塏俯雄州憑高豁遠眸青山橫玉案粉堞鞏
金甌萬室雲連宇雙江蟻附舟超然塵物外恍
若接丹坵

合州志

卷之十五

藝文

二十一

涪陵聯井絡傑閣恣迴翔扼塞千秋壯勲華奕
葉光心齋懷茂叔諫草憶鄒陽志載閣為明翰
林鄒立齋先生
祠文物昭回處登臨重慨慷

釣魚城懷古

張衡猷 方崖

衆固成城志全師勢不加江山餘半壁戰守控
三巴設險天難轉不平憤已賒如何宋天子飄
沒海南槎

弔鄒翰林墓

張衡猷

一抔埋亂草千載大垂名夜月雲門鎮秋風古
石城危言欽抗疏大節誓捐生果了讀書事鄉

人豈妄驚

春日遊關防寺

劉世儀 蔚亭

乘春尋勝槩。十里到關防。日曉千峯出。花深一徑香。殘烟籠古殿。斷榻卧危堂。極目層巒上。詩成興欲狂。

光霽堂謁濂溪周夫子神座

熊雲夢

祠宇元公建。風流天下傳。我來瞻德象。誰復讀遺編。庭草春風入。池蓮霽月懸。感君思洛召。鄉國曉雲邊。

雲門鎮訪立齋先生讀書廢址

王應庚 筆洲

分州志

卷之十五

藝文

二十一

荒洞然葉處嘉名錫狀元風流從古盛。文采至今存。一竅龍泉水。千家江上村。為思興起者。理學渺雲門。

春遊甘泉洞

春色同人合。甘泉洞裏遊。執瓢觀滴瀝。携酒賦清幽。烟淨山環寺。竹深翠滿樓。遙瞻前嶺塔。錦水鎖東流。

老龍洞

彭世儀 栢里

南峯幽勝地。有洞啟層岵。逕滑人稀到。岑荒草未芟。餘香清乳滴。古蹟石床嵌。洞深里許皆窟。洞亂石水潑然。

漬沫獨一石方正砥平置
水石間相傳爲神物云
老去龍何處千秋此
碧巖

龍泉草堂

遺像風流在空堂寂寞
萬千秋存兩疏苦節付
公論自可還天地何勞
問子孫龍泉清徹底芳
躅仰雲門

濮湖泛舟

彭世儀

觀漲借朋輩尋幽蕩小
舟幾灣隨曲折疎樹半
沈浮路入龍溪口一天
空佛石頭晴嵐開朗處
長嘯四山秋

合州志

卷之十五

藝文

三十三

夜雨寺

選勝尋山逕登峯造佛
堂相期聽夜雨不覺對
斜陽殿古蒼苔滿林空
夏木長清泉烹活火一
漱齒牙香

過雲門鎮弔鄒立齋先生墓

劉泰三 鶴坪

寂寞先生墓雲門古柏
前一坏存故土兩疏記
當年氣壓山河壯名依
日月懸斯人不可作瞻
拜獨淒然

遊方溪寺

偷閑捐俗事選勝到僧
家水落溪聲細山高石

徑斜村烟迷竹舍。梵語散天花相對忘機處。疎鐘下晚霞。

遊夜雨寺訪僧不遇

酒酣忘路遠。一徑入松陰。野寺空山裏。夕陽古木深。清風來滿座。歸鳥助狂吟。不見煙霞伴。還從夜雨尋。

登慈恩寺白塔

放艇依津岸。登峯借石梯。高吟層塔上。俯眺一州低。雲雨蒼茫合。江城草樹迷。漁臺未招隱。空想釣蟠溪。

合州志

卷之十五

藝文

二十四

南樓對飲

張乃孚

西村

長空初縱目。信步上南樓。雨霽山餘黛。江寒水帶愁。壯懷天際遠。好句座中收。不醉涪陵酒。曠公空此遊。

合陽八景

張乃孚

瑞應清風

城闈最高處。瑞應錫嘉名。木葉文成異。竹林風自清。穆如吉甫誦。藹若故人情。披拂生連理。爲書上太平。

甘泉靈乳

靈崑開石洞。德水紀甘泉。勢未傾三峽。源疑瀉九天。菩提清共飲。瓊液潤同煎。若遇陸桑苧。各應第一傳。

涪江晚渡

江雲昏欲斂。落日渡南津。亂艇垂陽岸。中流鼓楫人。綠波風細細。白石水粼粼。獨向蒼茫立。長歌懷采蘋。

東津漁火

一片迷濛景。燈光出遠空。携來漁艇火。散射大江紅。雪浪翻沙月。銀花捲岸風。推篷呼飲罷。結

合州志

卷之十五

藝文

二十五

網亂流東

魚城烟雨

魚山標勝概。百仞倚蒼冥。雨洗孤城白。烟浮廢壘青。曉粧開嶂黛。佳氣淪山靈。壁立自今古。真堪作畫屏。

濮湖夜月

舊說濮巖月。爲湖景更幽。原名濮巖。余更爲湖。清宜新漲

水朗澈。去年秋。小艇依林杪。高歌紀石頭。真了。嘗從

洪悔翁先生泛舟岩下。刻詩於石而還。餘光歸滿載。絕似沅花遊。

金沙落雁

何處風吹落沙洲雁幾行。任教天地濶不逐羽
書忙碧漢留雲篆秋烟澹夕陽莫吹江上笛驚
起入衡湘

照鏡涵波

屹立何年石團圞手可捫涵波侵月魄照鏡擁
雲根星斗光常護魚龍勢欲吞江山與終古忠

介句猶存明鄒立齋先生
有詩刻石下

鄒忠介祠

吳省欽

一種朱雲劍槐廳少小年萬言懸象闕九死別
龍泉理學標華袞儀容抗細旃世間難了事驚

令州志

卷之十五

藝文

二十六

見逐臣賢

七言律詩

宋

遊龍多山

曹憲

歷遍巒巖上曲阿。霧煙深處到龍多。玉峰桂樹非凡境。金地雲階占大羅。籠鳥靜觀輪日月。璿璣測景轉星河。他年若遂歸與志。擬把衣冠掛女蘿。

銅梁山木蓮花詩

周敦頤

仙姿疑是華嶺栽。不向東林沼上開。異蕊每隨梅雨放。清香時傍竹風來。枝懸縞帶垂金彈。瓣落蒼苔墜玉杯。若使濂溪少年見。定拋蘭棹到岩隈。

合州志

卷之十五

藝文

二十七

明

使北迎上皇卽事

李實

重整衣冠拜上皇。備聞天語重淒涼。腥膻充腹非天祿。草野爲居異帝鄉。始信奸臣移國柄。終教逆道叛天常。只今天使通和好。翠輦南旋省建章。

遊淨果寺

李實

六十餘年間淨果。今朝纔喜一追遊。西方佛教二千歲。東土禪林萬古秋。輪藏臺前雲淡淡。大慈閣外水浮浮。卓然老衲知幾者。說法談經石點頭。

咏懷

鄒智

朝野方傳英主事。安危寧係小臣身。銀山鍊壁雖難
動。玉色金聲本易親。人到白頭終是盡。事垂青史定
誰真。夢中不識身猶繫。又逐東風入紫宸。

辭朝

鄒智

雲韶聲靜拜彤墀。轉覺嬋娟不自持。罪大固應誅兩
觀。網踈猶得竄三危。盡披肝胆知何日。望見衣裳只
此時。但願太平無一事。孤臣萬死又何悲。

中秋遊淨果寺

鄒智

紫萸黃菊正中秋。偶向仙峯頂上遊。仕宦幾年多齷
齷。禪林一日甚風流。寒簾不斷嵐光擁。止水無波月

合州志

卷之十五

藝文

二十八

色浮。多謝遠公分氣味。煮茶清話不能休。

嘉靖丙午。余以賑饑來龍。多用償宿願。重有感。

劉士達

霜清望眼碧霄空。四國封疆指顧中。楚塞旌旗方出
牧。秦關烽火尚通紅。氣蒸暝晦觀時變。位奠高卑識
歲功。撫景憑虛生百感。不堪蹤跡久飄蓬。

其二

巴山惟有此山高。鼎足峩眉氣象豪。曉霽中天看積
翠。秋清千里見纖毛。龍驤一脉空清鳥。鶴馭三朝集
錦袍。形勝不移人世換。笑將杯酒酌蓬蒿。

釣魚山

劉士達

陵墓沒強元落落孤城向手援萬死不辭完故
一呼直欲起中原江湖寂寞魚龍冷城郭蕭疎鳥
道斜日黍離如有恨霜霄清坐怕聞猿

釣魚城

謝士元

分關載六轆昔人城也豈知勞北兵仰視規模
壯南斗平臨地利高余玠經營心不死王堅戰守計
甚牢百年俯仰成今古滿目寒雲半野蒿

前題

宋廷立

城殘斷跡全陳再拜王張為愴神萬里胡塵蒙弱

今州志

卷之十五

藝文

二十九

宋一壘中土守孤城廟堂已誤班師詔天日應知報
三身神武人清狠虎穴不須遺恨蜀江濱

前題

徐貞

山下江流山上城閒來懷古不勝情草荒遺址前八
業苦護殘碑舊將各崖外不聞嘶戰馬林間空自語
流鶯幾回夜雨驚波浪疑是當年起鬨聲

前題

馮衡

宋祚奄奄一線長魚山高處壯城隍三江送水開巴
壑千嶂飛雲拱蜀疆余玠有謀資璉璞蒙哥無計屈
王張英雄事業昭青史廟食何人為表章

前題

楊慎

釣魚城下江水清。荒烟古壘恨難平。睢陽百戰有健將。墨翟人守無降兵。乘舟通志作犀舟曾揮白羽扇。雄劍幾斷曼胡纓。西湖君臣猶歌舞。只待匡山航海行。

前題

張佳胤

大江東指釣魚城。使者乘舟自在行。壁壘尚涵大地色。江山不盡古今情。苔留履趾參差見。雲愛松門次第生。如此勝遊難授簡。野人虛負掛冠名。

嘉陵江

徐泰

江上西風晚作顛。江頭歸思雨如烟。山城鼓動人收合州志

卷之十五

藝文

三十

市沙埠潮平客上船。燈影亂隨檣影去。灘聲相雜雨聲喧。傳巖物色人何在。千載中流憶濟川。

弔鄒立齋先生

陳獻章 白沙

江月無光江水寒。角聲杳杳夜漫漫。孤兒歲月初離乳。夫子風流盡蓋棺。身後豈知名可貴。世間常苦路行難。鴟夷不亂當年計。還得雲門枕上看。

謁鄒立齋先生祠

林明儔

乾坤祠廟等烽烟。萬歲鎬鄒秋雨天。濮國焚香存故地。楓宸繞夢是何年。許多後進皆稽首。何必三人執鞭脫稿上書。昨日事猶留指血。噴龍泉公讀書龍泉庵

遊龍多山

何 憐 鶴

金風蕩暑孟秋時。信步登臨賞夙期。千里江山供遠眺。百年臺殿尚新規。龍歸洞府收經早。燕汚袈裟出定遲。遠約明年二三月。重來寶地乞蹲鴟。

前題

王嘉賓

野寺岩龕接翠微。耽幽松逕往相依。花殘啼鳥春剛盡。烟暝游龍晚自歸。放犢欲從青草澗。狎鷗應上碧苔磯。深懷此夕拚傾倒。醉看間雲片片飛。

前題

田九垓 東極

憶昔躋攀到上方。未諳野徑漫褰裳。春深一路飄花

合州志

卷之十五

藝文

三十一

劇風暖。三天過雨香。對飲石盤眠。細草索嘗土茗坐。僧房年來更有登臨興。孰與追隨學點狂。

前題

文 方 少江

休訝尋幽住不還。雲林偏愛隔塵寰。淡烟綠樹鶯聲歇。白石青苔鳥韻閒。止酒當年元入社。蒸魚初意本居山。生涯拋却耕耘事。且與高僧一閉關。

前題

崔一言

偶因舒鬱強登臺。兀兀懸空拂袖來。香淨玉爐浮月窟。燈開琪樹露春梅。遠公住社真堪結。何遜揚州愧不才。况是寢苦心事苦。那施雲澤潤荪萊。

前題

王嘉賓

蕭蕭白髮任流年。且對青山一洒然。竹葉有情呼月
飲。荷衣無礙帶雲眠。蕉中覆鹿誰非夢。花底吹笙此
即仙。到處烟霞酬夙願。幽尋不為結僧緣。

壬戌冬宿方溪寺

文方少江

百轉煙蘿路。轉迷翠微千丈。與雲齊。嵐根踏斷。霜飛
月。霞影凌空。并射霓。曲屈涪渝。隨界遠。縈迴星斗。掛
河低。流年如駛。驚塵土。何日蓮花出玉泥。

丙寅伏日遊方溪秉炬次韻

李尚德若所

劫海茫茫問渡迷。禪心冉冉忽思齊。炎蒸石氣浮丹

合州志

卷之十五

藝文

三十二

壁日薄林光散。彩霓鐘去不妨聲。遠邇月來應識殿
高低。披襟拂坐。清涼國。漫信人間重紫泥。

遊方溪寺和文少江韻

王嘉賓

木屐緣雲路。欲迷重蘿秀色碧。崖齊寒江孤艇飛。秋
葉野渡長橋卧。晚霓金界餘霞林。外散玉繩流彩檻
前低。維摩自住清涼地。俗轍猶牽濁水泥。

藍溪漁話

蘇恒

雲盡天空溪水深。釣舟輕憩柳林陰。更闌風送鐘聲
近。夜半波搖月色凝。曉喚兒携魚。易米晚呼妻。斬竹
烹鮓。桃花一帶隨波逐。競謂山中有武陵。

國朝

遊濮巖寺紀事

楊秉中

古寺長嵐幾度秋。蒼茫一帶野雲浮。懸崖掛霧晴飛雨。軟綠迎風翠浪流。烟鎖禪關人不擾。苔封梯徑鳥同遊。遲歸本愛濮湖月。却聽山翁話夙愁。

遊方溪寺紀事

楊秉中

天寧勝槩望中開。迤邐遊蹤次第來。登巘竹搖綠野外。層樓烟籠白雲隈。香風偏上題詩壁。花雨還歸說法臺。最是襟懷超曠處。落霞飛影點

合州志

卷之十五

藝文

三十三

蒼苔

前題

石 璣

梵宮西距濮陽城。溪抱斜橋野水平。廬傍竹邊分曉月。客從方外聽春鶯。層巖乍掃松風細。曲徑初通梅雨輕。歷遍蒼苔塵累寂。頓令心地薄浮名。

前題

朱世恩

孤璣方溪有夙緣。詩僧山水兩情牽。峰搖竹翠飛晴靄。澗渡鐘聲響碧泉。古殿雲浮虛壁畫。竹廬燕語惜花天。遙遙千載思蓮社。逸興何妨陶

合賢

前題

鮮于尙

蕭寺幽清遠俗塵。翠微光映白雲頻。苔流石壁臨斜徑。水遶松扉絕比隣。珠樹常棲聽梵鶴。香臺半老看山人。重來記取三生事。片石孤梅是夙因。

前題次文少江韻

施廷筠

山源有路俗人迷。倚杖登臨萬笏齊。僧舍清涼倚竹石。雲廊珠玉燦虹霓。烟沉野渡青峰濕。雨過方塘白鷺低。饌設伊蒲留信宿。修齋不惜醉

合州志

卷之十五

藝文

三十四

如泥

方溪寺誌別

陳銓

勝地慚余屐齒稀。偶過禪室得相依。紅生檻外花枝茂。綠蒲堦前橘子肥。飽聆塵談多義味。縱觀芥壁盡珠璣。擬航蓮海先登岸。一望方溪拂袖歸。

輓王烈婦詩

鄒珩 蓼齋

鳳去臺空江水清。江臺復斷玉蕭聲。百年已訂君同老。一日何堪妾獨生。縱有丹心依白日。難將隻影伴孤檠。關前一片青山月。照入空樓分

外明

濂溪書院

朱圻素存

歷聖真傳已久誣千年絕學賴公扶蓮花出水
塵心靜草色盈窻生意殊獨識鼻香龍聽講精
參象數馬呈圖仰瞻書院新成日至道重光永
不孤

前題

趙康

楓葉垂丹菊燦英合宗書院復新成光風地接千
年勝霽月庭懸萬古明澤溥濮陽榮草木學傳
太極啟諸生從茲棧樸流芳永濟濟英賢輔

合州志

卷之十五

藝文

三十五

太平

遊龍遊山

姚孔鑛

立馬春風意黯然山餘石徑草芊芊咸寧蹟古
名猶在淳祐碑殘字不全池上游魚依密藻殿
前鳴鳥下寒烟僧家亦有滄桑變人事何堪憶
往年

前題

姚孔鑛

七尺枯籐手自持遠公相伴到天涯
瀕知栢子西來意莫問松枝東向時
鐘動白雲林未曉鋤殘明月夜歸遲
猶疑結習除難盡一幅丹青

卷書詩

會勘華瑩山

林興泗 容齊

拾級登高高轉幽陰森夏木萬行稠蟬聲不住
賡泉韻風脚何曾下嶺頭山露涼過深夜雨筍
輿牽似上灘舟羊腸鳥道平生慣不信人間有
倦遊

雲峯寺

林興泗

曲木深深一寺幽行人晚住殿西頭不須飲水
消心熱賴可敲詩破旅愁風動扃窗和竹掃酒
酣涼月入杯流老僧怪誕真多事鐘鼓頻捶合

合州志

卷之十五

藝文

三十六

面樓

題劉貞女傳後

宋 錦

太學生劉國麟女受李大將軍子正
時聘未婚正時卒氏往弔成服守志

孀幃獨守古稱賢况乃青閨待字年鳳未雙飛
情已摯玉猶在璞性彌堅空題紅葉今生約願
結黃泉再世緣巾幘錚錚持大義鬢眉何事反
頽然

貞女祠

宋 錦

合州劉氏女許字楊一珍未婚而夫死
女即歸楊守志誓不他適賦詩美之

結髮訂盟面未謀此心早誓與同休綢繆無分

詠今夕矢死靡他賦相舟冠冕尚多貽慚德祜
釵何乃得直修

盛朝廣被睢麟化一郡一時有二劉

遊甘泉洞 宋 錦

洞門寂寂白雲深中有清泉洽素心瀉入藥畦
滋瑞草挹來客座滌煩襟題巖昔日留高跡空
谷於今有足音利鎖名韉徒碌碌無邊風月讓

山林

歲寒亭 羅守仁

東逼渝州百五程不將桑梓逐降旌釣魚有險

合州志 卷之十五 藝文 三十七

天心在紗帽無援賊氣橫此日虎頭寨下路當
年麈尾帳中情一從大節昭雲漢松柏森森劫

石坪

弔鄒立齋先生步白沙先生韻 洪成鼎 子鎮 應山

兩疏危言共膽寒石城遠謫路漫漫孤忠自矢

初登第大節何慚早蓋棺道契白沙緣正合事

垂青史遇誠難至今閭里還同祀留得儀型百

世看

遊方溪寺和文少江元韻

訪勝雲歸路不迷薌林遙與碧峯齊日穿隙地

奔陽燭嵐映虛堂
蒨白霓溪水分從
涪水合一山高立
四山低少江有韻
還留句游戲飛鴻
印雪泥

丙申九月偕友人遊龍游山華嚴寺

洪成鼎

龍遊山勢若游龍
蜿蜒轉林巒翠幾
重危磴盤空通淨
域高松傳響入霜
鐘臺環曲水潏寒
玉壁擁橫雲矗遠
峯尋徧殘碑歸棹
曉澄波如鏡盪心
曾寺左有石臺景最佳而寺門以全石爲屏尤爲奇絕

宿龍遊寺卽事口占

合州志

卷之十五

藝文

三十八

登高餘興足留連
遂借雲房一榻眠
此夜漸長堪寂寞
我生何遇不安便
禪中有蝨方酣舞
耳畔來蚤尚撲緣
忽聽雞鳴窓欲白
晨鐘催響坐禪天

並頭蓮有序

乾隆戊戌閏六月二日往東渡口太學仲美
公山庄觀其荷池朱華百朶中現並蒂蓮一
枝欣賞之極得未曾有賦成一律並書端蓮
書屋額贈之

清泉曲沼傍林陬
驚見芙蓉出並頭
翠蓋同擎

珠露重朱華共映綵霞浮雲駟遙憶英皇駕
仙侶如瞻李郭舟香引碧筒賓主洽升堂還與叙
從遊

仲冬泛舟遊釣魚城護國寺二首

洪成鼎

會江門外水浮山遙望魚城杳靄間沙燕飛飛

猶掠岸

冬暖沙燕不蟄

金灘潏潏正潌灣

金沙灘在波心時水正落

輕舟蘭槳搖寒綠古調漁筒唱大還時偕友人携漁鼓唱

絕佳策杖攀崖遊興勃拂開雲霧叩禪關時烟霧冥

濛衣袂盡濕午後乃霽

合州志

卷之十五

藝文

三十九

釣魚山險據東川曾障渝涪半壁天萬仞危岩

環舊壘百泐活水蓄層巔

山頂舊有十三池九十九井

鑄銘

尚認淳熙古廟祀常懷宋帥賢

寺右有忠義祠祀余帥二冉爺

張王若箇吞爭都幻夢石巖卧佛正高眠臨江石丁

鑿卧佛大像長四丈餘

會江樓晚望

王元兆

徙倚江樓曲檻邊收將暮色夕陽前春山嵐起

千峯杳野浦雲生兩岸連斷續鐘聲城外寺零

星燈火柳間船夜來一景尤堪畫月印三川水

映天

釣魚城懷古

石城百仞聳長空，樓櫓森嚴二冉功。雖是一隅難復夏也，虧尺土得勝戎。上都宮闕埋荒草，閩海桴航捲颶風。元宋祇今俱寂寞，獨遺殘堞弔川東。

戊子立春次張方崖韻奉合州黃使君

王元兆

如何行慶即施民，道是蘭台召信臣。熊軾今朝迎柳岸，麟符昔日賜楓宸。隨車雨潤千門色，度嶺梅分一樹新。使君嶺南人，由翰林出守。羣羨潁川來濮水。

合州志

卷之十五

藝文

四十

躋堂聊進洞庭春

晚登尋樂亭

張衡猷

方崖

象外悠然動遠心，孤舟獨登臨南津。州人連江氣，白塔松杉助隱吟。羽百年身尚健，多愁兩鬢露能侵。同人茗味濂溪樂，還回簞瓢樂處尋。

濮湖泛舟

劉泰三

映斗

路轉峯回復幾灣，沿溪不計淺深間。斜穿雲樹招涼入，直到濮湖載月還。近水草迷荒塚暮，倚窻人共野鷗閒。趁風返棹前津去，看盡城南江

接第...篇

大水紀異八首

嘉慶七年壬戌

張乃孚

西村

如磐雲黑壓譙樓頓使孤州一葉浮濤馬中宵

驚夢覺

謂前一夕感夢事

鼃鼃白日上城遊幾同秋至

占潮信竟訝天能作杞憂接壤安瀾殊不鮮居

然上下判鴻溝

一夜汪洋水勢增人家都在碧波澄轟聲崩石

千牆壁急痛呼天萬瓦燈河伯有靈終可禱馮

夷作劇太無徵堪嗟廿艇官符催猶自爭錢叫

不應

那堪學字湧江巴莫是魚頭滿縣譁預兆荒唐

合州志

卷之十五

藝文

四十一

人說鬼前知爽塏蟻移家晉陽不沒寧三版瑞

應孤存只一涯若問水痕何處落中央宛在使

君衙

孤嶼純陽作鎮尊芒芒人鬧到黃昏惟鄰是鬼

生猶矩

民移周家坡塚纍

以水為家艇進門踏

屋有聲喧捉賊斷楂無信枉招魂最憐數百隨

波宅避難歸無片瓦存

濫觴猶記說壬年

州自乾隆壬寅歲水始入城

今歲逢壬又

果然誰是成仙波上立幾疑非醉水中眠臭拋

倉麥勞千擔泥洗街心費萬錢多少朱門齊改

色恐難輪渙一時鮮

澤門春築漫興謠百丈平添郭外濠奎閣疑隨
潮勢湧女牆難比浪花高來從天上傾三峽汎
或坤維撼六鼇願乞錢鏐水犀手三千強弩射
江濤

水漲愁人不可當豈知退水更堪傷書無多竟
同燒劫詩不工偏忌彼蒼幾見鼃蚘生釜竈直
將糞土視雕牆生平磨蝎真難說四十年中厄
五塲自壬寅越戊申巳酉癸丑及今水入城者五

地非瀕海濕難居風雨何堪庇敝廬絕粟犬搜

合州志

卷之十五

藝文

四十二

梁上鼠退潮兒捉院中魚舊盟息壤言猶在保
障司空願缺如占歲有秋勤版築當思防患百
年除

釣魚城懷古

雄疆西控戰雲愁，設險先憑璣璞謀。敵國十年空再守，前人記中有再守十年亦不可得之語英風百倍壯孤州。

長江夜冷魚龍氣，故壘城荒草木秋。極目興衰自今古，不堪遙問海南舟。

方溪寺次文少江先生元韻

張乃聖

徑闢松蘿望不迷，摩雲直上與峰齊。風高法界來踈磬，日落迴溪射晚霓。古木蒼蒼天際合，空山寂寂夕陽低。石床花落無人掃，卧認苔碑剔

合州志

卷之十五

藝文

四十一

蘇泥

遊白鶴菴

師 懶

江風吹雨夕陽收，木葉蕭森隱寺樓。悵望雲山都人勝，經行鹿豕半同遊。塵中久絕繁華想，世外頻逢冷淡秋。却憶年來滄海事，山僧無故雪盈頭。

五言絕句

漢

譙君黃詩

君黃當成哀時為諫議大夫數進忠言後避王莽歸蜀又不仕公孫述述怒遣使齎藥酒以懼之君黃嘆曰吾不省藥乎其子瑛納錢八百萬得免國人作詩美之

肅肅清節士執德實固貞違惡以授命沒世遺令聲

宋

悼制置使張珩

文天祥

氣敵萬人將獨在天一隅向使國不二功業竟何如

國朝

分州志

卷之十五

藝文

四十二

題東山

李圓

萬松吞江聲一水山圍繞謂秦豈無人視魯不

應小

遊濮巖寺二首

羅醇仁

濮子分茅地周書早著名青山留信史舊號未

全更

寺從唐室創勝蹟屬空王舊有濮巖月競傳舍

利光

巖畔誰雕鑿星落西域人牛羊牧頂踵落日齒

痕生

仙巖賞桂

張兌和

間吟招隱詩幽意紛難歇金粟發奇香仙巖弄

明月

題照鏡石

彭世儀

石鏡抵中流題名人已昔斯石以人傳斯人介

于石

合陽懷古詩二十四首

并叙

張乃孚

西邨

合為歷代名郡古蹟尤夥漢魏以前不可考亦越元明二千有餘歲中間名臣先賢仙人墨客遺留者地以人重焉年代既湮剝蝕於

合州志

卷之十五

藝文

四十三

風雨竟有舉其名而人無知者不及今表揚且并其名不可得余編舊志歷攷前跡得之邑乘所載者半得之蔚亭劉公採訪者半他如屐齒所經搜雲石洞携月山房亦補二者所未及爰彙為目各繫以詩俾一亭一閣與古人並壽云

漢

讀書臺

薛 頤

古臺人讀書漢儒重經術更當搜典墳文翁有石室

晉

仙臺

馮全羅

巉岩摩青霄。畫像剥蘚蝕。名題晉永嘉。登仙入
十七

飛仙泉

茯苓兒

造物自成形。茯苓借乳力。流泉母登仙。斯義通
罔極。

唐

沈厚堂

張柬之

相畧不可見。沈厚猶名堂。狄公真知己。大業在

介州志

卷之十五

藝文

四十四

安唐

篆易碑

李陽冰

文為積善之家必有餘慶八字

古篆摩秦碑。舊稱書中聖。八字生寶光。永作文

明

會江樓

杜甫

樓外江花盡。樓下煙波起。不見杜老舟。惟餘會

江水

照鏡石

王

鉉

題名有唐賢。剗削由神禹。屹立挽頽波。中流作

砥柱

銅梁洞 閩邱道人

道士去千年仙跡沒野淞古壁嵌石床白雲常在洞

宋

富浴溪 富 弼

一溪烏足重曾聞浴富公此身本無垢不入濁流中

招鶴亭 徽宗書

物信本好潔招之寧復來羨彼孤山侶飛去又飛回

合州志

卷之十五

藝文

四十五

單公堤 單 煦

夏水齧城根東北賴保障繼者復何人司空堤名壯

黑龍池 周濂溪

莫汚池中水水底有龍藏自聽元公講鼻澁闕其香

養心亭 張宗範

構亭養其真養心獨希孟何當愛蓮人相與窮吾性

什邡驛 見何麒詩

地非雍齒舊何爲此名驤低回刺史詩息怨兩
消釋

瑞應山房 魏了翁

嘉木生竒文美哉了翁記築室祀濂溪國以賢
爲瑞

薌林書巖 李元庚

篆搗摩岩深薌林名未寂洞裡有神呵龍蛇生
古壁

松風閣 趙伯業

秋濤赴林壑秋雨來書幌閣中寂無人松風落

合州志 卷之十五

藝文 四十六

泉響

釣魚臺 見任逢詩

不慕渭水濱豈借嚴陵境
月影 巨人留神跡持竿釣

二忠祠 王壑 張璠

丹心換魚城誰復知有宋西撐半壁天
正統 厓山留

元

忠宣樓 李德輝

天地有好生誰復殺乃止爲問報德人不說祀

弔苟月村

萬時森 棗峯

華鑿失保障。小醜恣跳梁。書生不自愛。慷慨赴敵場。同仇鳥獸散。兩水阻舟航。烟飛千家屋。陰霾日無光。賊馬飽芻粟。士女餐霜鋒。嗚乎明東西。誰復爲之防。惟君明大義。性成百鍊鋼。論事綜成敗。談兵嗤迂狂。雖非守土吏。當衝奮激昂。一死立頑懦。碧血化盈腔。曾聞逼戰壘。射馬思擒王。精英懾風鶴。辟易揮櫓槍。遲遲未敢下。驚鴻得遠颺。破巢拾完卵。賴汝作金湯。維昔陶與蘇。建節祀合陽。如君真不忝。千載誰低昂。峩峩

合州志

卷之十五

藝文

四十七

嘯馬山滔滔宕渠江。列列丈夫雄。英英鬼伯強。儒林重義氣。閭里有綱常。長留一坏土。憑弔增徬徨。

明

歲寒亭 董孝文

董侯建忠節。儀型百世看。至今亭前竹。年年耐

歲寒。

尋樂亭 邱道隆

孔顏有真樂。風月悟微旨。尋樂人已歸。春風滿

亭子。

飛鳥樓 杜京

樓成翬欲飛。桐鄉想遙結。語見李何如王喬鳥

合州志 卷之十五

藝文

四十七

一雙朝帝闕

忠介祠 鄒智

大節在天地。斯人不可作。事留青史看。名臣兼

理學。

七言絕句

宋

冠鰲亭

周敦頤

紫霄峯上讀書臺。深鎖雲中久不開。爲愛此山真酷似冠鰲。他日我重來。

龍多山

彭應求

一望東川盡數州。依嵯泉石更清幽。不辭挹月披雲卧。攬取山房一夕秋。

明

釣魚城

鄒智

合州志

卷之十五

藝文

四十八

憲宗神武勇無雙。黑子孤城死不降。莫道盡由天作險。宋家德澤也深長。

前題

康振

突兀憑虛絕點埃。屠龍人去浪花開。自從大雅移州治。全蜀金湯重釣臺。

東津魚火

盧雍

東津漠漠煙水平。孤浦掩映千點明。夜半風生波浪湧。星斗錯亂魚龍驚。

金沙落雁

盧雍

沙磧江心射日黃。西風吹雁落雲行。黃金雖貴不可

餽。遠向江田覓稻梁。

瑞應清風

盧雍

山中嘉瑞昔曾聞。山下東風靄瑞氛。巴蜀連年苦征餽。願看木葉再成文。

魚城烟雨

盧雍

懸崖三面阻江湍。古堞摧頽煙雨寒。盤石可能容我坐。綠蓑青笠弄長竿。

濮巖寺誌感

劉士達

儒雅風流舊遊地。十年踪跡已蒿萊。滿眼江山增感慨。獨携五馬一徘徊。

合州志

卷之十五

藝文

四十九

鶴鳴八景

并序

劉士達

嘉靖丙午秋七月余踏灾賑饑至此有義士布衣蘓恒持鶴鳴八景謁予奈事務紛如不遑構思聊以揮毫耳

冠誥迎陽

倦遊無地不盤桓。是處青山可挂冠。玉立雙峰何所似。鳳書鸞誥下雲端。

天城春色

大造無私萬物春。江城梅柳一時新。春和應有賑貧詔。先到山中訪隱淪。

戴花映日

玉削芙蓉本自妍。新粧爭鬪艷陽天。花枝綽約誰當
插。贈與山中不朽仙。

許村烟雨

漾漾秋雨水連天。蓼荻蕭蕭釣晚烟。放舟東下五湖
去。應想當年范蠡船。

琉璃曉雲

曉霽山光翠欲流。琉璃掩映露華浮。杖藜獨向峯頭
立。挑盡晴雲未肯休。

海龜晴雪

合州志 卷之十五 藝文 五十
冷雨殘烟晚不收。六花飛片灑荒陬。欲僵且問袁安
卧。乘興毋能訪子猷。

鶴亭古跡

懶將心事履危機。鑿井耕田願不違。誰當散髮山林
下。放鶴亭前滿落暉。

藍溪漁話

白玉堂中事已非。蓼花灘下問漁磯。翠鬣金鱗如入
網。挂篋盪槳月中歸。

遊龍遊寺

馳驅未卜息肩時。南北風煙兩鬢絲。一畝故園春雨

足蜀山隨地長蹲鴟

國朝

遊銅梁洞四絕

施廷筠

同人競說銅梁洞今過銅梁倦亦遊曾記元規
清興好夜深明月到南樓

曲折山腰路幾層倚童作杖嘯孫登前騶却怪
多呼喝驚起烟霞老定僧

拂拭殘碑古洞陰尋崖覓句感人琴白雲深處
一長嘯黃葉飛來滿翠岑

謝公舊有登山記坡老還多作賦才愧我撚鬚

合州志

卷之十五

藝文

五十一

多不丁數行詩句袖中來

重遊濮巖用石壁原韻二首

朱世恩

蒼茫雲樹鳥啼幽乘興重來又隔秋風景依稀

舊題在誰人好事勒山頭

誰把塵緣謝得過功高相國待如何濮湖爲我

留春色獨立峯頭感慨多

遊龍遊寺

王爾鑑

昔年馬上吟紅葉此日簷前看碧岑山外水雲
雲外樹松風竹韻是知音

過李將軍故宅二首

有序

張兌和

將軍諱如碧 國初以征黔西功封公安伯
丙子臘日余過隆市鎮索戰績讀之已遭灰
燼感而賦此

將軍遺烈委荒煙幸有人耕壩上田化鶴歸來
應記憶可能細細說當年

盡日霜天放曉晴溪南溪北小橋橫祇今百戰
黔西績贏得寒鴉噪幾聲

龍遊山景佳絕而最妙者山頂石池甘泉香冽
大旱不竭悔翁因題曰德水靈岩金成截句
書付寺僧忍濟

洪成鼎

龍游佳勝著禪天峯作青圍壑繞川最是上方
清絕處一池寒綠浸層巔

石池聽雨

洪成鼎

德水源高性本清天光綠淨照波明秋池一陣
瀟瀟雨散作驪珠萬點聲

石屏

有序

洪成鼎

龍游山寺前全石以爲屏方廣二丈許數痕
疊湧雲委波立不可名狀奇觀也可與靈泉
金稱雙絕以詩頌之

方廣峻嶒樹石屏如雲如篆現奇形天然圖畫
驚觀止作鎮龍巖擁地靈

乾隆丁酉春仲恭謁宋道國元公濂溪周夫子
神座留題光霽堂

洪成鼎

太極圖成道脉傳合陽過化仰先賢漫言絕學
難希及光霽分明在眼前

丁酉春光霽堂前植桐四株夏秋之交霖雨時
至新枝敏擢且五六尺喜而成句樹既如此
而人尚何如金留示諸同學

合州志

卷之十五

藝文

五十三

洪成鼎

榮木森森植講堂午窓何用筴迎涼清陰滿院
風聲遠培得葦萋待鳳凰
是歲尋樂亭周遭種竹喜見新笋

洪成鼎

手種琅玕數十叢高亭四面貯清風他時如篔
青青綠好誦新詩念悔翁

卮字桂頌有序

洪成鼎

龍遊山寺前內有老桂一株輪囷盤鬱殆一
二百年物每當花時蕊蕊都成卮字他樹則

不然即他處亦未有然者無論合州洵奇品也遂拈小句頌之

龍遊老樹放花時金粟繽紛卍字奇高嶺露溥香近遠若人聞得若人知

重九後二日微雨自龍遊下泛舟還南津書院

洪成鼎

烟靄空濛江外山魚城指點有無間扁舟容與乘流興細雨輕風一棹還

素心蘭詩二首

有序

洪成鼎

素心蘭無上妙品也幾如優鉢曇花覓一見

合州志

卷之十五

藝文

五十四

了不可得近於合陽山中友人家時一見之贊歎希有遂拈筆而爲之頌

幽叢沆瀣養靈華芳潔清奇茂以加想見真人
在姑射風飄翠帶擁青霞

露畹培根玉茁芽香心純素淨無瑕雲堦應是
神仙佩不信塵寰有此花

黑龍池懷古詩二首

有序

洪成鼎

乾隆戊戌梅翁客合州寓于南津書院實爲
濂溪周子祠堂數訪其遺蹟薦紳爲言有黑
龍池在城內栢樹街舊多古栢宋嘉祐間周

子簽判時遊而樂之每坐池上與學者講易
有黑衣叟頻來竊聽衆皆不覺一夕月明叟
漸近周子諦視之呵曰汝龍也胡來此叟瞿
然問公何所見曰汝口角涎香非龍而何亟
退毋驚人叟俯首笑去一躍躍入水蜿蜒然
遂不復出池因以名 國初州人有李將軍
者宅近池圍池於園甃新之中構八卦亭極
偉麗後漸荒落無何宅與園並歸他姓而池
亭遂廢餘栢亦盡所不改者唯一窪止水盈
盈常在耳池深二丈餘底有石井沆泉仰出

居民利其滌溉或以養魚今雖墊隘填淤十
之五而大旱不涸且屢潦日益溷濁而靈物
亦不見嗔也凡湫有龍者不可犯茲獨不然
其舍垢養晦不與物爭是亦夙聆濂溪用九
勿用之教然耶予感其言往觀歡惋彌日夫
龍之爲靈隱顯莫測大含細入何垢何淨世
人往往遇而不識或且疑其有無也夫矣然
予觀之驪龍善睡睡輒千年茲或者其睡正
熟而未始覺耶噫嘻龍兮靈兮覺乃神兮池
兮泥兮清有時兮將且暮乎遇之悠悠乎我

思爰賦以詩

聞道澁垂拂座香。元公一喝黑龍藏。至今池黑龍還隱。何日懸珠照講堂。

昔日池亭壯古觀。澄污興廢每無端。渾含留得濂溪派。一竅深深井冽寒。

謁鄒立齋先生祠

王應庚

孤臣橫絕海波平。公憤當時不敢鳴。惆悵雲門封樹外。千秋大節仰先生。

高望山雨泉詩二首

有序

高望合名山也。虛壁豈岌均。水清澄銘日雨。

合州志

卷之十五

藝文

五十六

泉以俟觀者

飛來泉。厥駕屣屣。寓目懸驚。百尺危天。一生兮成地。六水經未著。道元酈。

一鑑深深井養全。巉巖高處蘊重淵。農家若欲占豐稔。應向茲山驗雨泉。

涪江放舟

烟水孤篷雨半蓑。中流自在任高歌。扣舷會得漁人趣。欸乃一聲下渭沱。

甘泉洞納涼六截

大千何處堪逃暑。地入甘泉暑自無。我欲置身

林壑內情誰畫作納涼圖

石竇寒生高閣敞靈岩乳滴小池通安能萬點
菩提露灑向炎炎世界中

多情豈爲白雲留坐久看山懶下樓修竹解人
煩渴意萬竿時帶雨聲秋

風流香尉懸招隱

前州尉會稽沈公顏有招隱二字

洒落仙翁

舊賦詩

信陽洪梅翁有詩刻石

讀罷長篇觀筆意蒼茫雲

樹起人思

得句頻叅靜裡禪無心天籟自鏗然檐前倒捲
銀河水一夜清冷到枕邊

合州志

卷之十五

藝文

五十七

曉鐘催起羲皇卧歸詠閒閒欲和陶分付山僧
多種菊重來好待共題糕

五言排律

宋

定林院詩 即濮巖寺

岑象求

野濶連空迥樓臺半倚山地連巴峽近門對濮溪灣
樵徑松煙濕巖房雨蘚斑白雲邀客在明月伴僧閒
經梵喧譁外香燈杳靄間勝遊成邂逅危構喜躋攀
世路長何極塵心久欲還轡車正催發緩步出重關

國朝

遊銅梁山訪趙氏別業

劉泰三

別業開仙境當年逸士踪苔深侵屐齒洞僻隱

合州志

卷之十五

藝文

五十八

山叢斷壁泉流字荒齋草覆蟲雲歸千嶂黑日

落半江紅博古

齋名

人何在探竒興未窮高才

名譽壯應使氣如虹